



INSTITUTE FOR THE RESEARCH OF GENOCIDE
CANADA

ZAUSTAVIMO NEGATORE GENOCIDA:

Pozivamo vas da u četvrtak, 31. maja iskažete svoju solidarnost sa žrtvama zločina genocida počinjenih u Prijedoru; i širom svijeta noseći bijelu traku oko ruke ili isticanjem zastave ili bijelog čaršafa na svom prozoru.

Zbog sve učestalijeg negiranja genocida nad Bošnjacima prijedorske regije i zabrana sjećanja pokrećemo inicijativu

31. MAJ – SVJETSKI DAN BIJELIH TRAKA, MAHRAMA

Trideset i prvog maja 1992. godine vlasti bosanskih Srba u Prijedoru izdale su naredbu putem lokalnog radija kojom se naređuje nesprskom stanovništvu da obilježi svoje kuće bijelim zastavama ili čaršafima, i da pri izlasku iz kuća stave bijele bijele trake oko rukava. Ovo je bio početak kampanje istrebljenja u kojoj su provođene masovne egzekucije, silovanja, otvarani koncentracioni logori i činjeni drugi zločini, i čiji je konačni ishod bio uklanjanje 94% bosanskih muslimana (Bošnjaka) i bosanskih kartolika (Hrvata) sa teritorije općine Prijedor.

Ovo je bio prvi put od 1939. i nacističkog proglasa po kojem su poljski Jevreji morali nositi bijele trake sa plavom Davidovom zvijezdom oko rukava, da su članovi jedne etničke ili religijske grupe na ovaj način bili obilježeni za istrebljenje.

Članovi Evropske posmatračke misije su posvjedočili da su čak u avgustu 1992. tokom posjete selima oko Prijedora u kojima su živjeli i Srbi i Muslimani vidjeli bijele zastave na muslimanskim kućama da bi se mogle razlikovati od srpskih. Međunarodni krivični sud za bivšu Jugoslaviju je rezultate kampanje progona nesrpskog stanovništva koja je uslijedila uporedio sa genocidom.

Na hiljade ljudi je ubijeno, zatočeno, mučeno, deportovano ili silovano, i Prijedor kao zajednica se promijenio zauvijek.

Danas je Bosna i Hercegovina država koja funkcioniše na osnovama Daytonskog mirovnog sporazuma potpisanog 1995. po kojem je Prijedor završio u Republici Srpskoj.

Općinske vlasti u Prijedoru do današnjeg dana nisu žrtvama ove genocidne kampanje na bilo koji način odali poštu za patnje kroz koje su prošli. Gradonačelnik Marko Pavić i lokalne vlasti odbijaju javno priznati da su zločini počinjeni u Prijedoru, uprkos brojnim presudama međunarodnih i lokalnih sudova.

INSTITUTE FOR THE RESEARCH OF GENOCIDE CANADA

7 Southside Place, Unit 6
Hamilton, Ontario, L9C 7W6
Phone: (905) 385-3606 | www.instituteforgenocide.ca



INSTITUTE FOR THE RESEARCH OF GENOCIDE
CANADA

Podizanje spomenika u spoment prijedorskim žrtvama u gradu nije dozvoljen, a pristup mjestima zlocina onemogućuju mnogi uključujući i “Acelor-Mittal”, kompaniju koja je danas vlasnik lokacije na kojoj se nalazio zloglasni logor Omarska.

Zbog toga vas pozivamo da u četvrtak, 31. maja iskažete svoju solidarnost sa žrtvama masovnih zločina počinjenih u Prijedoru i širom svijeta, noseći bijelu traku oko ruke ili isticanjem zastave ili bijelog čaršafa na svom prozoru.

Ovaj čin ima za cilj podizanje svijesti o borbi za dostojanstvo miliona žrtava masovnih zločina i nepravde. Od Prijedora do Johanesburga, od Džakarte do Lime, na ovaj dan dignimo glas protiv poricanja istine o počinjenim zločinima. Dajmo podršku ljudima širom svijeta nad kojima je počinjen zločin zbog njihove rase, etničke pripadnosti, vjerskog ubjeđenja ili političkih uvjerenja.

Gdje god se nalazili, 31. maja stavite bijelu traku oko ruke i istaknite bijeli čaršaf na prozor! Dajte do znanja žrtvama u Prijedoru i širom svijeta da nisu same.

Na ovoj [stranici](#) možete ostaviti svoje komentare i podijeliti priče o uskraćivanju prava na istinu i sjećanje.

Zaustavimo poricanje genocida!

Za pravo žrtava na sjećanje!